




Ընտրելու իրավունք **բոլորի** համար  
Հաշմանդամ ընտրողների հետ վարվելակերպի կանոններ  
(ուղեցույց ընտրական հանձնաժողովների համար)





Սույն ուղեցույցն արժանացել է  
ՀՀ կենտրոնական ընտրական հանձնաժողովի հավանությանը:  
«Ունիսոն» ՀԿ-ն շնորհակալություն է հայտնում  
ՀՀ ԿԸՀ նախագահ Գարեգին Ազարյանին  
խորհրդատվական աջակցություն ցուցաբերելու համար:

Մեր երկրում բնակվող շուրջ 148.000 հաշմանդամներից շատերն ունեն  
ընտրելու իրավունք: Հաշմանդամ քաղաքացիների ընտրական իրավունքն  
ապահովելու համար անհրաժեշտ է, որ գործընթացի համար պատասխանա-  
տու անձինք ստեղծեն համապատասխան պայմաններ և տիրապետեն վար-  
վելակերպի կարևորագույն կանոններին: Վերջիններիս ծանոթ լինելը օգտա-  
կար է ոչ միայն ընտրությունների բնականոն ընթացքն ապահովելու, այլև հաշ-  
մանդամների հետ առօրյա կյանքում շփվելու համար:



Հատուկ կարիքներով մարդկանց աջակցության  
«Ունիսոն» հասարակական կազմակերպություն




Սույն հրապարակումը իրականացվում է  
Բաց Հասարակության Ինստիտուտի և  
Նիդեռլանդների Կառավարության  
Ֆինանսական միջոցներով

Սայլակ օգտագործող մարդուն աստիճաններով բարձրացնելու կամ իջեցնելու համար անհրաժեշտ է երկու օգնական: Դրանից ավել օգնականների առկայությունը արդյունավետ չէ և կարող է առաջացնել ավելորդ խառնաշփոթ: Ֆիզիկապես առավել ուժեղ օգնականը պետք է տեղավորվի սայլակի հետևից, իսկ երկրորդը՝ դիմացից: Աստիճաններով բարձրանալիս՝ սայլակ օգտագործող մարդը պետք է աստիճաններին միտված լինի մեջքով, իսկ իջնելիս՝ դեմքով: Սեղմելով սայլակի ետնամասում գտնվող հորիզոնական ձողը՝ առաջին օգնականը կիսով չափ բարձրացնում է սայլակի առջևի անիվները և ծանրության կենտրոնը տեղափոխում ետևի անիվների վրա, իսկ երկրորդն օգնում դիմացից՝ բռնելով սայլակը ոտնատեղից:



Հասնելով անհրաժեշտ հարկը, սայլակը պետք է տեղադրել իր ճիշտ դիրքով՝ համոզվելով, որ այն աստիճաններից ապահով հեռավորության վրա է:



Երբեք մի փորձեք բարձրացնել սայլակը բռնատեղերից, քանի որ մարդը կարող է սահելով դուրս ընկնել սայլակից:

Այնուհետև, չանջատելով ետևի անիվները գետնից և պահպանելով սայլակի հավասարակշռությունը՝ օգնականները սկսում են աստիճան առ աստիճան բարձրացնել սայլակ օգտագործող մարդուն:



Սայլակը պետք չէ բռնել արմնակալերից, քանի որ նրանք կարող են անջատվել սայլակից:



# Ընդհանուր կանոններ

Երբ խոսում եք հաշմանդամի հետ, անմիջապես դիմեք նրան, և ոչ թե ուղեկցողին կամ սուրդոթարգմանչին:


Եթե Ձեզ թվում է, թե հաշմանդամին օգնություն է պետք, հարցրեք նրան այդ մասին: Դրական պատասխանի դեպքում հարցրեք, ինչ և ինչպես անել:

ՀՀ այլ քաղաքացիների հետ հավասար՝ հաշմանդամ ընտրողներն ունեն գաղտնի քվեարկության իրավունք: Հարգե՛ք այդ իրավունքը:

## Սայլակ օգտագործող ընտրողներ

Ընտրատեղամասերը պետք է լինեն մատչելի, հարմարեցված տեղաշարժման խնդիրներ ունեցող մարդկանց համար: Յուրաքանչյուր տեղամասի մուտքը պետք է լինի հարթ կամ ունենա թեքահարթակ, դռների լայնությունը չպետք է 75 սմ-ից պակաս լինի, քվեախցիկի մուտքն ու ելքը պետք է լինեն ազատ, իսկ քվեատուփը դրված լինի սայլակին նստած մարդուն հասանելի բարձրության վրա:

Քանի դեռ Հայաստանում այս բոլոր պայմանները չեն ստեղծվել սայլակ օգտագործող քաղաքացիների համար, առաջարկում ենք կիրառել հետևյալ կանոնները՝ տեղաշարժման խնդիրներ ունեցող ընտրողների մասնակցությունը ապահովելու նպատակով:



# Կույր կամ տեսողության խնդիրներ ունեցող ընտրողներ




Համաձայն ՀՀ կենտրոնական ընտրական հանձնաժողովի կողմից 14.03.2007թ. ընդունված թիվ 47-Ն որոշմամբ հաստատված կարգի՝ ընտրողների ցուցակում տեսողության հետ կապված ինքնուրույն ստորագրելու հնարավորություն չունեցող ընտրողին՝ նրա խնդրանքով, կարող է օգնել այլ քաղաքացի, ով չպետք է լինի հանձնաժողովի անդամ կամ վստահված անձ: Մնացած դեպքերում ընտրողի ցանկությամբ նրան կարող է օգնել (այդ թվում՝ ընտրողի կամքով լրացնել նաև քվեաթերթիկը) ցանկացած

քաղաքացի, բացառությամբ վստահված անձի:

Քաղաքացիների քվեարկությանը մասնակցելուն օժանդակելու նպատակով ընտրությունների ժամանակ պատրաստվում և տեղամասային ընտրական հանձնաժողովին հատկացվում է քվեաթերթիկին համապատասխանող՝ սովորաբար կաղապար (ծևանուշ), որում քվեաթերթիկի նշումի համար նախատեսված քառանկյանը համապատասխան տեղում բացված են դատարկ V ձևի անցքեր:

Հանձնաժողովի՝ քվեաթերթիկներ և քվեարկության ծրարներ տրամադրող անդամը քվեաթերթիկը տեղավորում է քվեաթերթիկին համապատասխանող կաղապարում և քվեարկության ծրարի հետ միասին տրամադրում ընտրողին: Քվեախցիկի մոտ ընտրողի խնդրանքով հանձնաժողովի նախագահը կամ նրա հանձնարարությամբ՝ հանձնաժողովի անդամը, իսկ ընտրողի ցանկության դեպքում՝ քվեաթերթիկը լրացնելիս ընտրողին օգնելու իրավունք ունեցող քաղաքացին, ընտրողի համար՝ ըստ հերթականության, կարողում է քվեաթերթիկում ընդգրկված թեկնածուների, կուսակցությունների, դաշինքների վերաբերյալ քվեաթերթիկում նշված տվյալները և



հնարավորություն է տալիս ընտրողին քվեախցիկում գաղտնի լրացնել քվեաթերթիկը: Ընտրողը, իմանալով իր նախընտրած թեկնածուի, կուսակցության, դաշինքի հերթական համարը քվեաթերթիկում, շոշափելով գտնում է կաղապարի համապատասխան դատարկ անցքը և ինքնուրույն V ձևի նշում կատարում քվեաթերթիկում: Քվեաթերթիկում V ձևի նշում կատարելուց հետո ընտրողը քվեաթերթիկը հանում է կաղապարից, ծալում, ինքնուրույն կամ հանձնաժողովի անդամի կամ իրեն ուղեկցող քաղաքացու օգնությամբ տեղավորում այն քվեարկության համապատասխան ծրարում:

## Խուլ կամ լսողության խանգարումներով ընտրողներ



Խուլ կամ լսողության խանգարումներով մարդկանց հետ հաղորդակցվելիս պետք է բղավել՝ դա անարդյունավետ է: Որոշ դեպքերում լսողության խնդիրներ ունեցող մարդիք կարողանում են ասվածը հասկանալու համար կարդալ խոսակցի շուրթերով: Այսպիսի մարդկանց հետ խոսելիս դեմքով կանգնեք դեպի լույսը և աշխատեք, որ Ձեր բերանի շարժումները պարզ երևան: Խոսեք դանդաղ և հասկա-

նալի կերպով, նայեք գրուցակցի աչքերին: Եթե պարզվում է, որ խուլ ընտրողը չի կարդում շուրթերով, ապա անհրաժեշտության դեպքում գրեք այն, ինչ ցանկանում եք հաղորդել նրան և հնարավորություն տվեք գրավոր ձևով պատասխանել Ձեզ:



## Այլ ընտրողներ

(տարեց, թաքնված հաշմանդամություն և այլ ֆիզիկական խնդիրներ ունեցող քաղաքացիներ)



Հաշմանդամության ոչ բոլոր տեսակներն են ակնառու: Ընտրողը կարող է Ձեզ անսպասելի հարցեր տալ կամ գործել տարօրինակ թվացող ձևով: Նրա խնդրանքը կամ վարքը կարող է պայմանավորված լինել հաշմանդամությամբ, տարիքային առանձնահատկություններով կամ այլ հանգամանքներով:

Համբերատար եղեք, ուշադիր լսեք, անհրաժեշտության դեպքում կրկնեք կամ խնդրեք կրկնել ասվածը:

**Յեղիևակներ  
Արմեն Ալավերդյան  
Աննա Ատովյան**

**Ձևավորում և նկարներ  
Դավիթ Բաբայան**

**Կոնտակտ տեղեկություններ**  
Երևան 0002, Դեմիրճյան 36  
Յեռախոս՝ (37410) 522170  
Ֆաքս՝ (37410) 226470  
Վեբ-կայք՝ [www.unison.am](http://www.unison.am)  
Էլ. փոստ՝ [unison@unison.am](mailto:unison@unison.am)